



Inatsisartunut ilaasortaq
Sofia Geisler, Inuit Ataqtigiit

Efterskolertarneq pillugu § 37 naapertorlugu apeqquteqaatinut akissutit

Asasara Sofie Geisler,

Qujanaq apeqquteqaatinnut efterskolertarneq pillugu, Inatsisartut suleriaasianni aalajangersakkat naapertorlugit saqqummiussannut. Apeqqutitit uani ataani akissuteqarfigissavakka.

08-06-2018
Suliap nr.
Allakkat. nr. 8007218

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

1. Efterskolertut Nunatsinneersut ukiut kingulliit 5-at, tassa ukiuni 2017, 2016, 2015, 2014, 2013, aallartittut qassiusimappat?

Akissut:

Naalakkersuisut innersuutissavaat Kalaallit Nunaanni naatsorsueqqissaartarfimmiit kisitsisit suliarineqarsimasut, ilinniakkamik aallartitsisartut, taamaatitsisartut aamma naammassillugu ilinniakkamik ingerlatsisartut pillugit paasissutissat, kalaallit aamma danskit efterskoliini ingerlatsisartunut tunngasut. Kisitsisit paasissutissat nassaarineqarsinnaapput naatsorsueqqissaartarfiup quppersagaani www.stat.gl quppigassap ilinniartitaaneq/efterskoli ataani. Kisitsisit paasissutissat ukiunut atuarfiusunut 2009/2010 – 2016/2017 atuuttuupput. Suli kisitsisinik paasissutissanik ukiumut maanna atuarfiusumut soqanngilaq.

<http://www.stat.gl/publ/kl/UD/201705/pdf/2009-mit%202017-imut%20efterskolernerit.pdf>

2. Efterskolernernerminnik naammassinninngitsoortut ukiut kingulliit 5-at, tassa ukiuni 2017, 2016, 2015, 2014, 2013, qassiusimappat?

Akissut:

Takukkit apeqqummut siullermut akissutit.

3. Efterskolemik unitsitsiinnartut taamatut pisoqarneranut suut tunngavilersuutigisarneraat nalunaarsorneqarsimanerluni?

Akissut:

Aap, Ilinniartitaanermut – Aqutsisoqarfimmi siunnersortit Sisimiuniittut nalunaarsortarpaat Danmark-imi efterskolernerminnik taamaatitsisut pillugit tunngavilersuutit.

4. Ukiuni 2017, 2016, 2015, 2014, 2013 efterskolertunut agguaqatigiissillugu atuartumut ataatsimut aningaasat qassit atorpeqartarpat?

Akissut:

Aningaasanut inatsimmi kontumi 40.10.12 aningaasaliissutiniit danskit efterskoliini atuarnermut kiisalu angalanernut aningaasartuutiniik aamma kalaallit efterskoliinut marluusunut atuartut angalanerinit aningaasartuutiniik matussusiisoqartarpoq. Danmark-imi efterskolernernut agguaqatigiissillugit aningaasartuutit naatsorsorneqarnikuupput siullermik Kalaallit Nunaanni efterskolertut angalanerannut aningaasartuutit ilanngaatigeqqaarlugit aningaasaliissutiniit, tassanilu aningaasat sinneruttut agguarneqartarlutik ilinniartut danskit efterskoliniittut amerlassusaannik. Angajoqqaat nammineq akiliutaat naatsorsuinermit ilanngunneqanngillat, taamaattumillu taamaallaat pisortat efterskolertitsinernut aningaasartuutaat ilaallutik.

Kalaallit efterskoliini agguaqatigiissillugu akiusoq naatsorsugaavoq aningaasanut inatsimmi kontu 40.10.16 -imi aningaasaliissutit efterskolinit atugassat atuartut amerlassusiannik agguarlugit, qaavativullu agguaqatigiissillugu angalanermut aningaasartuutiniik ilallugu.

Soorlu ataani atuarnermut akigitinneqartuni kalaallit danskit efterskoliini ilinniartut eqqarsaatigalugit ersittoq, akiusut taakkua appasinnerujussuupput kalaallit efterskoliinut sanilliullugit. Tamatumunngalu pissutaavoq Danmark-imi pisortat efterskole-nut tapiissuteqartarnerat. Allatut oqaatigalugu nunatta karsiata taamaallaat akilertartussaavai kalaallit efterskolertut Danmark-imut angalaneri, kiisalu tapiissuteqartarlutik angajoqqaat akiliutissaata appartinneqarnissaanut, tamatumalu kingunerisaanik kalaallit atuartut danskit efterskoliinut ingerlatsinneqartarnerat akikinneeersuuvoq.

	Danmark (AI 40.10.12 naatsorsuutit ilanngaatigalugit angalanerit efterskolertunut kalaallit efterskoliini, - atuartut amerlassusaannik agguarlugit)			
Ukioq atuarfiusoq	2013/2014	2014/2015	2015/2016	2016/2017
Agguaqatigiissillugu atuartut aallartittut DKK	29.941	31.421	30.211	37.557
	Efterskoli Villads Villadsen (AI naatsorsuutit agguaqatigiissillugit atuartut amerlassusaannut, + ukioq taanna agguaqatigiissillugu angalanermut aningaasartuutit)			
Agguaqat. atuartut. aallartittut DKK	113.178	121.660	133.309	128.971
	Maniitsumi efterskoli (AI 40.10.06 naatsorsuutit atuartunut agguarlugit + agguaqatigiissillugu billetsip akia ukioq taanna)			
Agguaqat. atuartut aallartittut akia DKK	161.065	137.086	165.505	155.173

Vivian Motzfeldt
Vivian Motzfeldt